



REPUBLIKA E SHQIPËRISË  
KRYEMINISTRI

URDHËR

Nr. 185, datë 31.10.2023

PËR

**NGRITJEN DHE FUNKSIONIMIN E KOMITETEVE RAJONALE  
PËR PARANDALIMIN E RADIKALIZMIT DHE LUFTËS KUNDËR  
EKSTREMIZMIT TË DHUNSHËM**

Në mbështetje të pikës 3, të nenit 102, të Kushtetutës, të pikave 1 e 2, të nenit 24, të ligjit nr.90/2012, "Për organizimin dhe funksionimin e administratës shtetërore" dhe të vendimit nr.81, datë 14.2.2023, të Këshillit të Ministrave, "Për miratimin e Strategjisë Ndërsektoriale për Parandalimin e Ekstremizmit të Dhunshëm dhe Luftës kundër Terrorizimit 2023-2025 dhe planeve të veprimit 2023-2025",

URDHËROJ:

1. Ngritjen e komiteteve rajonale për parandalimin e radikalizmit dhe luftës kundër ekstremizmit të dhunshëm, (në vijim Komiteti Rajonal), pranë çdo qarku.
2. Komiteti Rajonal të kryesohet nga prefekti i qarkut dhe të ketë në përbërje këta anëtarë:
  - a) Drejtorin e Drejtorisë Vendore të Policisë;
  - b) Drejtorin e Drejtorisë Vendore të Kufirit dhe Migracionit në qark;
  - c) Drejtorin e Drejtorisë Rajonale të Shërbimit Social Shtetëror;
  - ç) Drejtorin Rajonal të Punësimit;
  - d) Drejtorin Rajonal të Shërbimit Informativ të Shtetit;
  - dh) Drejtorin e Institucionit të Ekzekutimit të Vendimeve Penale, në rastet kur kemi në qark;
  - e) Drejtorin e Degës Territoriale të Shërbimit të Provës në qark;
  - ë) Drejtorin e Drejtorisë Rajonale të Arsimit Parauniversitar;
  - f) Drejtorin e Drejtorisë Rajonale të Shëndetit Publik;
  - g) Drejtorin e Drejtorisë Rajonale të Formimit Profesional;

- gj) Drejtuesin Rajonal të Inspektoratit Shtetëror të Punës dhe Shërbimeve Shoqërore;
  - h) Shefin e sektorit të policisë kriminale, në Policiinë Ushtarake për Qarkun Tiranë, dhe shefin e seksionit të policisë kriminale të policisë ushtarake në qarqet e tjera.
3. Në takimet e Komitetit Rajonal, në rastet kur vlerësohet e nevojshme dhe sipas çështjeve që do të trajtohen, me kërkesë të kryetarit, mund të ftohen të marrin pjesë kryetari i Këshillit të Qarkut, kryetari/kryetarët i/e bashkisë/bashkive, drejtuesit e prokurorive të rretheve gjyqësore, anëtarë të bashkësive fetare, përfaqësues nga shoqëria civile dhe organizata apo agjenci të tjera.
4. Komiteti Rajonal ka këto detyra dhe përgjegjësi:
- a) Shërben si partner dhe autoritet përgjegjës në nivel qarku për zbatimin e mekanizmit kombëtar të referimit të rasteve të radikalizmit dhe ekstremizmit të dhunshëm pranë Koordinatorit Kombëtar për Parandalimin dhe Kundërshtimin e Ekstremizmit të Dhunshëm.
  - b) Identifikon dhe referon pranë Qendrës së Koordinimit Kundër Ekstremizmit të Dhunshëm, (në vijim QKEDH) individët apo grupet vulnerabël në rrezik radikalizmi apo të radikalizuar në nivel qarku, nëpërmjet vlerësimit të raportimeve dhe problematikave të diskutuara në mbledhjet periodike nga anëtarët e Komitetit Rajonal.
  - c) Në bashkëpunim me QKEDH-në, ndjek të gjitha veprimet, masat dhe aktorët e përfshirë në parandalimin e radikalizmit, luftën kundër ekstremizmit të dhunshëm dhe proceset e rehabilitimit, riintegritit dhe risocializimit të personave të kthyer nga zonat e luftës.
  - ç) Kryen vlerësime periodike për fenomenin e radikalizmit dhe ekstremizmit të dhunshëm në nivel qarku, në përputhje dhe në zbatim të Strategjisë Ndërsektoriale për Parandalimin e Ekstremizmit të Dhunshëm dhe Luftën kundër Terrorizmit 2023-2025, si dhe planeve përkatëse të veprimit.
  - d) Ndërmerr masa për rritjen e ndërgjegjësimit në komunitet me qëllim parandalimin e radikalizmit dhe kundërshtimin e ekstremizmit të dhunshëm, nëpërmjet tryezave të rrumbullakëta, takimeve informuese dhe fushatave të ndërgjegjësimit për këtë qëllim.
  - dh) Shërben si urë lidhëse për trajtimin e nevojave sociale dhe ekonomike më të gjera të rasteve të identifikuar në rrezik radikalizmi apo të radikalizuara në qark.
  - e) Zbaton me përgjegjësi të gjitha detyrat dhe udhëzimet e lëna nga kryetari i Komitetit Rajonal për Parandalimin e Radikalizmit dhe Luftës kundër Ekstremizmit të Dhunshëm.

- ë) Raporton periodikisht një herë në tre muaj, nëpërmjet kryetarit të Komitetit Rajonal te Koordinatori Kombëtar për Parandalimin dhe Kundërshtimin e Ekstremizmit të Dhunshëm, për të gjithë veprimtarinë e tij. Raporti duhet të jetë produkt i punës të të gjithë anëtarëve të Komitetit Rajonal dhe përmbajtja e raportit duhet të japë informacion vetëm për periudhën për të cilën raportohet.
- f) Miraton rregulloren e funksionimit të Komitetit Rajonal në koordinim me QKEDH-në;
- g) I propozon Koordinatorit Kombëtar për Parandalimin dhe Kundërshtimin e Ekstremizmit të Dhunshëm plane dhe strategji konkrete për adresimin e çështjeve e të problematikave që kanë të bëjnë me parandalimin e radikalizmit, luftën kundër ekstremizmit të dhunshëm si dhe rehabilitimin e të riatdhesuarve nga zonat e konfliktit.

5. Struktura e raportit sipas shkronjës “ë”, të pikës 4, të këtij urdhri, duhet të përmbajë:

- a) një përmbledhje të veprimtarisë së Komitetit Rajonal për periudhën, për të cilën raportohet, si dhe informacione në fushën e veprimit të secilit anëtar;
- b) konstatime dhe problematika të hasura, si dhe propozime për adresimin e tyre;
- c) të dhëna statistikore apo tregues të arritjeve dhe rezultateve kryesore;
- ç) të dhëna statistikore të përditësuara për periudhën, për të cilën raportohet;
- d) informacion për planifikimin dhe programet për të ardhmen.

5.1. Të dhënat statistikore të përditësuara për periudhën, për të cilën raportohet, duhet të përfshijnë informacion të përpunuar, të ardhur nga të gjitha strukturat që janë pjesë e Komitetit, dhe të përmbajnë informacion në nivel qarku për:

- a) rastet apo fenomenet e evidentuara nga Policia e Shtetit;
- b) rastet apo fenomenet e evidentuara nga punonjësit socialë në njësitë e vetëqeverisjes vendore;
- c) rastet apo fenomenet e evidentuara nga Shërbimi Informativ i Shtetit;
- ç) rastet apo fenomenet e evidentuara nga institucionet e ekzekutimit të vendimeve penale që veprojnë në qark;
- d) rastet apo fenomenet e evidentuara nga sistemi i arsimit parauniversitar;
- dh) rastet apo fenomenet e evidentuara nga sistemi i shëndetësisë;
- e) rastet apo fenomenet e evidentuara nga Forcat e Armatosura;

- ë) rastet apo fenomenet e evidentuara nga komunitetet fetare;
- f) rastet apo fenomenet e evidentuara nga shoqëria civile dhe organizatat joqeveritare që operojnë në qark;
- g) rastet apo fenomenet e evidentuara nga aktorë të tjerë.

5.2. Raporti duhet të hartohet dhe të përcillet në formën e një shkrese zyrtare të nënshkruar nga prefekti i qarkut, në cilësinë e kryetarit të Komitetit Rajonal, me datë dhe me numër protokolli të institucionit që e dërgon.

6. Kryetari i Komitetit Rajonal në çdo qark kryen këto detyra:

- a) Organizon dhe drejton veprimtarinë e komitetit, bazuar në Strategjinë Ndërsektoriale për Parandalimin e Ekstremizmit të Dhunshëm dhe Luftën kundër Terrorizmit 2023-2025 dhe në planet e veprimit.
- b) Raporton një herë në tre muaj, në emër të Komitetit Rajonal te Koordinatori Kombëtar për Parandalimin dhe Kundërshtimin e Ekstremizmit të Dhunshëm për veprimtarinë e Komitetit Rajonal dhe proceset e rehabilitimit, riintegrit dhe risocializimit të personave të kthyer nga zonat e luftës në Siri dhe Irak, në nivel qarku.
- c) Shërben si urë lidhëse koordinuese ndërmjet Koordinatorit Kombëtar për Parandalimin dhe Kundërshtimin e Ekstremizmit të Dhunshëm dhe qarkut për bashkërendimin e veprimtarisë për parandalimin e radikalizimit, luftën kundër ekstremizmit të dhunshëm dhe proceseve të rehabilitimit, riintegrit dhe risocializimit të personave të kthyer nga zonat e luftës në Siri dhe Irak.

7. Drejtori i Përgjithshëm i Qendrës së Koordinimit Kundër Ekstremizmit të Dhunshëm (QKEDH) është Koordinatori Kombëtar për Parandalimin dhe Kundërshtimin e Ekstremizmit të Dhunshëm (Koordinatori Kombëtar).

8. Komiteti Rajonal mblidhet, si rregull, një herë në tre muaj, me kërkesë të kryetarit të saj. Në situata dhe raste të veçanta, sipas vlerësimit të kryetarit të Komitetit Rajonal, ky i fundit mund të mblidhet edhe më shumë se një herë në tre muaj. Në çdo rast, njoftohet paraprakisht Koordinatori Kombëtar për Parandalimin dhe Kundërshtimin e Ekstremizmit të Dhunshëm.

9. Komiteti mund të mblidhet dhe me kërkesën e Koordinatorit Kombëtar për Parandalimin dhe Kundërshtimin e Ekstremizmit të Dhunshëm në çdo moment, në raste urgjente dhe sa herë e gjykon të arsyeshme ky i fundit, me qëllim bashkërendimin e punës, trajtimin dhe adresimin e problematikave.

10. Anëtarët e Komitetit Rajonal të raportojnë periodikisht një herë në muaj, sipas fushës së tyre të përgjegjësisë, te Kryetari i Komitetit.

11. Në mbështetje të veprimtarisë së Komitetit Rajonal të ngrihet sekretariati teknik, i cili është pjesë e administratës së prefektit të qarkut. Mënyra e ngritjes dhe funksionimit të sekretariatit teknik përcaktohen në rregulloren e funksionimit të Komitetit Rajonal.
12. Sekretariati teknik ka këto detyra:
  - a) Mban kontakt me të gjithë anëtarët e Komitetit Rajonal, Koordinatorin Kombëtar për Parandalimin dhe Kundërshtimin e Ekstremizmit të Dhunshëm apo aktorët e tjerë që mund të ftohen në tryeza teknike me kërkesën e kryetarit të Komitetit Rajonal;
  - b) Njofton anëtarët për takimet e Komitetit Rajonal, si dhe siguron paraqitjen dhe shkëmbimin e materialeve për takimet e planifikuara;
  - c) Siguron zhvillimin e mbledhjes, shkëmbimin dhe administrimin e informacionit dhe të dhënave në nivel qarku për detyrat e caktuara nga Komiteti Rajonal;
  - ç) Harton raporte dhe plane pune të Komitetit Rajonal.
13. Me qëllim koordinimin e punës dhe shkëmbimin e përvojave pozitive, Komiteti Rajonal mund të organizojë tryeza ndërinstucionale teknike për këtë qëllim.
14. Ngarkohet Koordinatorin Kombëtar për Parandalimin dhe Kundërshtimin e Ekstremizmit të Dhunshëm për monitorimin e zbatimit të këtij urdhri.
15. Ngarkohen prefekti i qarkut, në cilësinë e kryetarit të Komitetit Rajonal për Parandalimin e Radikalizmit dhe Luftës kundër Ekstremizmit të Dhunshëm, dhe të gjitha institucionet që përfaqësohen në Komitetin Rajonal, sipas pikës 2, të këtij urdhri, për zbatimin e tij.

Ky urdhër hyn në fuqi menjëherë.

**KRYEMINISTRI**

**EDI RAMA**